

Svjetska sedmica dojenja 2017.

U prvoj sedmici oktobra 01-07.10.2017. godine J.U.Zavod za javno zdravstvo Kantona Sarajevo obilježio je Svjetsku sedmicu dojenja u suradnji sa Udruženjem za unapređenje dojenja-IBFAN, Zavodom za javno zdravstvo Federacije BiH i Udruženjem specijalista javno-zdravstvenih disciplina Federacije BiH. Moto ovogodišnje Svjetske sedmice dojenja je bio „Očuvajmo dojenje zajedno“.



„OČUVAJMO DOJENJE ZAJEDNO“

U okviru obilježavanja Svjetske sedmice dojenja, 4-og oktobra 2017. godine u prostorima Zavoda za javno zdravstvo Federacije BiH održan je okrugli sto „Očuvajmo dojenje zajedno“ za doktore medicine specijaliste pedijatrije, doktore medicine specijaliste ginekologije i akušerstva i patronažne sestre u organizaciji Udruženja specijalista javno-zdravstvenih disciplina Federacije BiH, J.U. Zavoda za javno zdravstvo Kantona Sarajevo, Zavoda za javno zdravstvo Federacije BiH i Udruženja za unapređenje dojenja. Teme okruglog stola su bile:

- Značaj dojenja za postizanja Globalnih ciljeva održivog razvoja,
- Pregled politika, programa i prakse dojenja u Federaciji BiH,
- Radna produktivnost žena i dojenje.

Predavači su bili: Prim. dr med. Mr. sci. Sabaha Dračić, dr med. sci. Aida Filipović-Hadžiomergić i dr med. Mr. sci. Irena Jokić.

Također, u okviru obilježavanja Svjetske sedmice dojenja organizovana je javno-promotivna aktivnost 06.10.2017. godine podjelom edukativno-promotivnog materijala na Trgu Oslobođenja-Alija Izetbegovići koja je bila praćena od strane mnogobrojnih medija.

Pročitaj više!

Obilježavanje "Svjetske sedmice dojenja" inicira je Svjetska alijansa za akciju dojenja (WABA) 1992. godine sa preporukom da se ovaj važan datum u kalendaru zdravlja obilježava u prvoj sedmici mjeseca augusta ili u prvoj sedmici mjeseca oktobra, odnosno u vrijeme obilježavanja Dječije nedjelje.

Ovogodišnja sedmica dojenja posvećena je dojenju i Globalnim ciljevima održivog razvoja pod motom „**Održimo dojenje zajedno**“. WABA zagovara **zajednički rad i suradnju za opće dobro u cilju postizanja Globalnih ciljeva održivog razvoja**, te je neophodno uključiti i pozvati zagovornike i aktiviste, donosiocce odluka i slavne ličnosti da uspostave nova i svrsishodna partnerstva da se pridobije politička podrška, pažnja medija i veće učešće mladih, slavni ličnosti i drugih pristalica.

Također, WABA poziva na globalnu akciju podizanja i jačanja svijesti o povezanosti dojenja i ciljeva održivog razvoja. Glavna veza između dojenja i ciljeva održivog razvoja je činjenica da se dojenje proteže kroz mnoge oblasti sadržane u ciljevima održivog razvoja. To su četiri tematske cjeline koje su međusobno povezane, odnose se na dojenje i pomažu definisanju aktivnosti koje vode ka njihovom postizanju:

1. Radna produktivnost žena

2. Životna sredina i klimatske promjene

3. Preživljavanje, zdravlje i dobrobit

4. Ishrana, sigurnost hrane i smanjenje siromaštva.

Ciljevi ovogodišnje Svjetske sedmice dojenja su:

INFORMOSATI

- Razumjeti važnost zajedničkog rada u okviru četiri (4) tematske cjeline koje se odnose na Globalne ciljeve održivog razvoja kroz zaštitu, promociju i podršku dojenju.

OSNAŽITI

- Prepoznati svoju ulogu i razliku koja se učini u okviru svog posla.

UKLJUČITI

Uključiti druge kako bi se uspostavio zajednički interes.

ZAJEDNIČKI DJELOVATI

Raditi zajedno radi ostvarenja Globalnih ciljeva održivog razvoja.

Dokazi o prednostima dojenja su poznati i dostupni. Dojenje je ključni faktor za preživljavanje, zdravlje i dobrobit novorođenčadi i majki. Jednostavno rečeno, djeci omogućava najbolji mogući početak života, a dugoročno dojenje ima zdravstvene prednosti za zdravlje žena, te donosi ekonomsku korist i poboljšava dobrobit svih.

Neophodno je zalagati se da vlade u partnerstvu sa pokretima civilnog društva i drugima koje rade za zajedničko dobro, stvaraju okruženja koja omogućavaju napredak i dobro zdravlje žena i djece.

Dojenje nije samo žensko pitanje niti isključiva odgovornost žena, zaštita, promocija i podrška dojenju predstavljaju kolektivnu, društvenu odgovornost koju imaju svi.